

At Benaethiaid holl ysgolion Babanod, Plant Iau, Cynradd ac Arbennig

16 Tachwedd 2016

Annwyl Bennaeth

Gofynion Statudol Addysg Grefyddol

Mae Cyngor Ymgynghorol Sefydlog ar Addysg Grefyddol (SACRE) wedi gofyn i mi dynnu eich sylw at ofynion statudol Addysg Grefyddol mewn ysgolion a gynhelir gan y wladwriaeth. Wrth i'r adolygiad o'r cwricwlwm gael ei gynnal credir bod rhai ysgolion yn ddrwslyd o ran statws maes llafur a gytunwyd mewn ysgolion.

Fel y gwyddoch rwy'n siŵr, mae Addysg Grefyddol yn rhan o'r cwricwlwm sylfaenol ac felly nid yw'n dod o fewn y Cwricwlwm Cenedlaethol. Mae'r cwricwlwm Addysg Grefyddol yn cael ei bennu'n lleol gan yr ALI a'i SACRE. Mae hyn yn golygu bod yna ofyniad statudol i Awdurdodau Lleol ddarparu Addysg Grefyddol yn unol â maes llafur y cytunwyd arno. O safbwynt sefyllfa maes llafur y cytunwyd arno i Gonwy cafodd ei ail-fabwysiadu yn 2013 ac felly mae'r maes llafur presennol yn parhau gyda dealltwriaeth y bydd y maes llafur yn cael ei adolygu unwaith y bydd ffurf cwricwlwm newydd Donaldson wedi'i ddiffinio. Byddai angen newid mewn deddfwriaeth ar gyfer darparu Addysg Grefyddol yn ôl maes llafur y cytunwyd arno i gael ei ddiddymu.

Roedd adroddiad yr Athro Donaldson *Dyfodol Disglair – Adolygiad Annibynnol o Drefniadau Cwricwlwm ac Asesiad yng Nghymru* yn argymhell y dylai addysg grefyddol ffurfio rhan o'r Maes Dyniaethau Dysgu a Phrofiad, a dylai barhau'n ofyniad cwricwlwm statudol o'r oed derbyn.

Mae SACRE yn ymwybodol bod yr ysgolion arloesol nawr yn cyfarfod er mwyn datblygu'r cwricwlwm newydd. Hyd nes bydd manylion yr AOLE wedi eu ffurfio ac adolygiad o'r maes llafur y cytunwyd arno yn cael ei gynnal yna mae SACRE yn dymuno sicrhau bod ysgolion yn deall bod **cynnwys rhaglenni astudio'r maes llafur y cytunwyd arno'n lleol yn brif ofyniad statudol.**

Amgaeaf gopi o'r maes llafur presennol y cytunwyd arno ar gyfer Addysg Grefyddol a gellir dod o hyd i raglenni astudio ar gyfer CA2 ar dudalennau 18-19 o'r maes llafur y cytunwyd arno.

O safbwynt y **Cyfnod Sylfaen**, mae tri maes eang Pobl, Credoau a Chwestiynau yn cael eu hastudio. Gweler tudalennau 14-17 o'r maes llafur y cytunwyd arno.

Mae SACRE yn gofyn i ysgolion gadarnhau eu bod wedi derbyn y wybodaeth hon drwy gwblhau'r pro forma atodedig a'i ddychwelyd i mi, philiplord@gwegogledd.cymru

Gobeithio y bydd y wybodaeth hon yn ddefnyddiol i chi.

Cofion a dymuniadau gorau

Phil Lord